



世界書局印行

景印
藻堂

四庫全書薈要

集第
九〇
總集
類冊部





本冊目次

書名及撰人	卷次	頁次
御定全唐詩九百卷目錄二卷 清康熙四十六年聖祖仁 皇帝御定	卷四百六十七至卷五百四十 四	四三七一 一

欽定四庫全書會要

集部
御定全唐詩卷四百六十九
七至

欽定四庫全書會要卷一萬七千八百七十二
集部

御定全唐詩卷四百六十七

牟融

雜詩一卷

春日山亭

醉來重整華陽巾搔首驚看白髮新
莫道愁多因病酒只緣命薄不辭貧
龍魚失水難為用龜玉蒙塵未見珍

欽定四庫全書

御定全唐詩
卷四百六十七

正是聖朝全盛日詎知林下有閒人

寄周韶州

十年學道困窮廬空有長才重老儒
功業要當垂永久利名那得在須臾
山中荆璞誰知玉海底驪龍不見珠
寄語故人休悵快古來賢達事多殊

秋夜醉歸有感而賦

銜盃誰道易更闌沈醉歸來不自歡
惆悵後時孤劍冷寂寥無寐一燈殘
竹窗涼雨鳴秋籟江郭清砧擣夜寒

詳校官原任主事
臣李斯咏

多少客懷消不得臨風搔首浩漫漫

寄范使君

未秋為別已終秋咫尺婁江路阻脩心上惟君知委曲
眼前獨我逐漂流從來姑息難為好到底依樓總是誼
西望家山成浩歎臨風搔首不勝愁

送羅約

雨晴江館柳依依握手那堪此別離獨鶴孤琴隨遠旆
紅亭綠酒惜分岐月明野店聞雞早花暗關城正馬遲

欽定四庫全書

御定全唐詩

卷四百六十七

後夜定知相憶處東風回首不勝悲

題李昭訓山水

卜築藏修地自偏尊前詩酒集羣賢半岩松暝時藏鶴
一枕秋聲夜聽泉風月謾勞酬逸興漁樵隨處度流年
南州人物依然在山水幽居勝輞川

處厚遊杭作詩寄之

江村搖落暫逢秋況是聞君獨遠遊浙水風煙思弔古
楚鄉人物賦登樓書沈寒鴈雲邊影夢繞清猿月下愁

念我故人勞碌久不如投老臥滄洲

山中有懷李十二

第七句闕三字
第八句闕一字

林前風景晚蒼蒼林下懷人路杳茫白髮流年淹舊業
碧山茅屋卧斜陽客邊秋興悲張翰病裏春情笑沈郎
何事登樓 幾迴搔首 思歸

客中作

異鄉歲晚悵離懷遊子驅馳媿不才夜夜砧聲催客去
年年鴈影帶寒來半林殘葉迎霜落三徑黃花近節開

欽定四庫全書

御定全唐詩

卷四百六十七

幾度無聊倍惆悵臨風搔首獨興哀

山寺律僧畫蘭竹圖

偶來絕頂興無窮獨有山僧筆最工綠徑日長素戶在
紫荃秋晚謝庭空離花影度湘江月遺佩香生洛浦風
欲結歲寒盟不去忘機相對畫圖中

送客之杭

西風吹冷透貂裘行色匆匆不暫留帆帶夕陽投越浦
心隨明月到杭州風清聽漏驚鄉夢燈下聞歌亂別愁

懸想到杭州興地尊前應與話離憂

有感二首

何事離懷入夢頻
負居寂莫四無鄰
詩因韻險難成律
酒為愁多不顧身
眼底故人驚歲別
尊前華髮逐時新
十年飄泊如萍跡
一度登臨一悵神
搔首臨風獨倚欄
客邊驚覺歲華殘
栖遲未遇常鉤薦
邂逅寧彈貢禹冠
有興不愁詩韻險
無聊只怕酒杯乾
何如日日長如醉
付與詩人一笑看

欽定四庫全書

御定全唐詩
卷四百六十七

四

送沈侯之京

悠悠旌旆出東樓
特出仙郎上帝州
劉晏才高能富國
蕭何人傑足封侯
關河弱柳垂金縷
水驛青帘拂畫樓
欲盡故人尊酒意
春風江上暫停舟

寄羽士

別來有路隔仙凡
幾度臨風欲去難
樂道無時忘鶴伴
談玄何日到星壇
山中勝景常留客
林下清風好煉丹
使我浮生塵鞅脫
相從應得一盤桓

題趙支

林間曲徑掩衡茅
遶屋青青翡翠梢
一枕秋聲鸞舞月
半窗雲影鶴歸巢
曾聞賈誼陳奇策
肯學揚雄賦解嘲
我有清風高節在
知君不負歲寒交

司馬遷墓

落落長才負不羈
中原回首益堪悲
英雄此日誰能薦
聲價當時衆所推
一代高風留異國
百年遺跡剩殘碑
經過詞客空惆悵
落日寒煙賦黍離

欽定四庫全書

御定全唐詩
卷四百六十七

五

春遊

錦袍日暖耀冰蠶
上客陪遊酒半酣
笑拂吟鞭邀好興
醉歌烏帽逞雄談
樓前弱柳搖金縷
林外遙山隔翠嵐
正是太平行樂處
春風花下且停驂

水西草堂

第四句關二字
第七句關一字

蘿徑蕭然曲業存
閒雲流水四無鄰
身留白屋潛蹤跡
門吟學隱淪吟對琴尊江上月笑看花木鏡中春
遺書自有親處何必驅馳擾世塵

送羽衣之京

羽衣縹緲拂塵囂，悵別河梁贈柳條。
閨苑雲深孤鶴迥，蓬萊天近一身遙。
香浮寶輦仙風潤，花落瑤壇絳雨消。
自是長生林下客，也陪鴛鴦入清朝。

題道院壁

山中舊宅四無鄰，草淨雲和迥絕塵。
神棗胡麻能飯客，桃花流水蔭通津。
星壇火伏煙霞暝，林壑春香鳥雀馴。
若使凡緣終可脫，也應從此度閒身。

欽定四庫全書

御定全唐詩

卷四百六十七

六

贈歐陽詹

為客囊無季子金，半生蹤跡任浮沈。
服勤因念劬勞重，思養徒懷感慨深。
島外斷雲凝遠日，天涯芳草動愁心。
家林千里遙相憶，幾度停車一悵吟。

邵公母

搔首驚聞楚些歌，拂衣歸去淚懸河。
劬勞常想三春恨，思養其如寸草何。
淅水夢懷千里遠，蘇臺愁望白雲多。
傷心獨有黃堂客，幾度臨風詠蓼莪。

客中作

千里雲山戀舊遊，寒窗涼雨夜悠悠。
浮亭花竹頻勞夢，別路風煙半是愁。
芳草傍人空對酒，流年多病倦登樓。
一杯重向樽前醉，莫遣相思累白頭。

贈楊處厚

十年學道苦勞神，贏得尊前一病身。
天上故人皆自貴，山中明月獨相親。
客心淡泊偏宜靜，吾道從容不厭貧。
幾度臨風一回首，笑看華髮及時新。

欽定四庫全書

御定全唐詩

卷四百六十七

七

重贈張籍

舊日儀容只宛然，笑談不覺度流年。
凡緣未了嗟無子，薄命能孤不怨天。
一醉便同塵外客，百杯疑是酒中仙。
人生隨處堪為樂，管甚秋香滿鬢邊。

贈殷以道

世路紅塵懶步趨，長年結屋傍巖隅。
獨留鄉井誠非隱，老向山林不自愚。
肯信白圭終在璞，誰憐滄海竟遺珠。
閒來撫景窮吟處，尊酒臨風不自娛。

翁母此

滿頭華髮向人垂長逝音容迥莫追先壠每懷風木夜
畫堂無復綵衣時停車遙望孤雲影翹首驚看弔鶴悲
獨有賢人崇孝義傷心共詠蓼莪詩

題山莊

蘿屋蕭蕭事事幽臨風搔首遠凝眸東園松菊存遺業
晚景桑榆樂舊遊吟對清尊江上月笑談華髮鏡中秋
牀頭濁酒時時漉上客相過一任留

欽定四庫全書

御定全唐詩

卷四百六十七

八

沈存尚林亭夜宴

草堂寂寂景偏幽到此令人一縱眸松菊寒香三徑晚
桑榆煙景兩淮秋近山紅葉堆林屋隔浦青帘拂畫樓
終日忘情能自樂清尊應得遣閒愁

題孫君山亭

長年樂道遠塵氛靜養藏修學隱淪吟對琴樽庭下月
笑看花木檻前春閒來欲著登山屐醉裏還披漉酒巾
林壑能忘軒冕貴白雲黃鶴好相親

題徐俞山居

青山重叠巧裁攢引水流泉夜激湍嵐鎖巖扉清晝暝
雲歸松壑翠陰寒不因李相門前見曾向袁生畫裏看
老我不堪詩思杳幾回吟倚曲欄干

送范啓東還京

蕭蕭行李上征鞍滿目離情欲去難客裏故人尊酒別
天涯遊子弊裘寒官橋楊柳和愁折驛路梅花帶雪看
重到京華舊遊處春風佳麗好盤桓

欽定四庫全書

御定全唐詩

卷四百六十七

九

樓城叙別

故人為客上神州傾蓋相逢感昔遊屈指年華嗟遠別
對牀風雨話離愁清樽不負花前約白髮驚看鏡裏秋
此際那堪重分手綠波芳草暫停舟

寫意二首

寂寥荒館閉閒門苔徑陰陰屐少痕白髮顛狂塵夢斷
青檀冷落客心存高山流水琴三弄明月清風酒一樽
醉後曲肱林下臥此生榮辱不須論

蕭蕭華髮滿頭生，深遠蓬門倦送迎。
獨喜冥心無外慕，自憐知命不求榮。
閒情欲賦思陶令，卧病何人問馬卿。
林下貧居甘困守，儘教城市不知名。

贈浙西李相公

長庚烈烈獨遙天，盛世應知降謫仙。
月裏昔曾分兔藥，人間今喜得椿年。
文章政事追先達，冠蓋聲華羨昔賢。
尊酒與君稱壽畢，春風入醉綺羅筵。

天台

碧溪流水泛桃花，樹繞天台迥不賒。
洞裏無塵通客境，人間有路入仙家。
雞鳴犬吠三山近，草靜雲和一徑斜。
此地不知何處去，暫留瓊珮臥煙霞。

送陳衡

秋江煙景晚蒼蒼，江上離人促去航。
千里一官嗟獨往，十年雙鬢付三霜。
雲迷樓曲親庭遠，夢遶通山客路長。
不必臨風悲冷落，古來白首尚為郎。

送沈翔

江上西風一櫂歸，故人此別會應稀。
清朝盡道無遺逸，當路誰曾訪少微。
謾有才華嗟未達，閒尋鷗鳥暫忘機。
臨歧不用空惆悵，未必新豐老布衣。

過蠡湖

東湖煙水浩漫漫，湘浦秋聲入夜寒。
風外暗香飄落粉，月中清影舞離鸞。
多情袁尹頻移席，有道喬仙獨倚闌。
幾度簾簾相對處，無邊詩思到吟壇。

登環翠樓

山中地僻好藏修，寂寂幽居架小樓。
雲樹四圍當戶暝，煙嵐一帶隔簾浮。
舉杯對月邀詩興，撫景令人豁醉眸。
我亦人間肥遁客，也將蹤跡寄林丘。

遊淮雲寺

白雲深鎖沃州山，冠蓋登臨衆仰攀。
松徑風清聞鶴淚，曇花香暝見僧還。
玄機隱隱應難覺，塵事悠悠了不關。
興盡凡緣因未晚，裴回依舊到人間。

遊報本寺

山房寂寂華門開此日相期社友來雅興共尋方外樂
新詩爭美郢中才茶煙裏裏籠禪榻竹影蕭蕭掃徑苔
醉後不知明月上狂歌直到夜深回
了然塵事不相關錫杖時時獨看山白髮任教雙鬢改
黃金難買一生閒不留活計存囊底贏得詩名滿世間
自笑微軀長碌碌幾時來此學無還

題陳侯竹亭

曾向幽亭一榻分清風滿座絕塵氛丹山鳳泣鉤簾聽

欽定四庫全書

御定全唐詩
卷四百六十七

十二

滄海龍吟對酒聞漠漠暝陰籠砌月盈盈寒翠動湘雲
歲寒高節誰能識獨有王猷愛此君

送報本寺分韻得通字

第七句第
八句關

幾度乘閒謁梵宮此郎聲價重江東貴侯知重曾忘勢
閒客頻來也悟空滿地新蔬和雨綠半林殘葉帶霜紅

寄永平友人

故人千里隔天涯幾度臨風動遠思賈誼上書曾伏闕

仲舒陳策欲匡時高風落落誰同調往事悠悠我獨悲
何日歸來話疇昔一樽重叙舊襟期

朔風獵獵慘寒沙關月寥寥咽暮笳放逐一心終去國
驅馳千里未還家青蠅點玉原非病滄海遺珠世所嗟
直道未容淹屈久暫勞踪跡寄天涯

陳使君山庄

新卜幽居地自偏士林爭羨使君賢數椽瀟灑臨溪屋
十畝膏腴附郭田流水斷橋芳草路淡煙疎雨落花天

欽定四庫全書

御定全唐詩
卷四百六十七

十三

秋成準擬重來此沈醉何妨一榻眠

題寺壁

僧家勝景瞰平川霧重嵐深馬不前宛轉數聲花外鳥
往來幾葉渡頭船青山遠隔紅塵路碧殿深籠綠樹煙
聞道此中堪遁跡宜容一榻學逃禪

送徐浩

渡口潮平促去舟莫辭尊酒暫相留弟兄聚散雲邊鴈
蹤跡浮沈水上鷗千里好山青入楚幾家深樹碧藏樓

知君此去情偏切堂上椿萱雪滿頭

謝惠劍

感君三尺鐵揮擢鬼神驚浩氣中心發雄風兩腋生犬
戎從此滅巢穴不時平萬里橫行去封侯賴有成

送僧

梵王生別思之子事遐征煙水浮杯渡雲山隻履行三
生塵夢醒一錫衲衣輕此去家林近飄飄物外情

送友人

有客權偏舟相逢不暫留衣冠重文物詩酒足風流官
路生歸興家林想舊遊臨歧分手後乘月過蘇州

題朱慶餘閒居四首

瀟灑藏脩處琴書與畫圖白丁門外遠俗子眼前無楚
楚臨軒竹青青映水蒲道人能愛靜諸事近清枯
盡日衡門閉蒼苔一徑新客心非厭靜悟道不憂貧白
屋懸塵榻清樽憶故人近來疎懶甚詩債後吟身
閒客幽棲處瀟然一草廬路通元亮宅門對子雲居按

劍心猶壯琴書樂有餘黃金都散盡收得鄴侯書

寂寥荒館下投老欲何為草色凝陳榻書聲出重帷閒
雲長作伴歸鶴獨相隨才薄知無用安貧不自危

寄張源

咫尺西江路悲歡暫莫聞青年俱未達白社獨離羣曲
徑荒秋草衡茅掩夕曛相思不相見愁絕賦停雲

題竹

瀟灑碧玉枝清風追晉賢數點渭川雨一縷湘江煙不

見鳳皇尾誰識珊瑚鞭柯亭丁相遇驚聽奏鈞天

有感

盛世嗟沈伏中情快未舒途窮悲阮籍病久憶相如無
客空塵榻閒門閉草廬不勝岑絕處高臥半牀書

題山房壁

珠林杳寂寂寶地夜沈沈玄奧凝神久禪機入妙深參
同大塊理窺測至人心定處波羅蜜須從物外尋

訪請上人

曲徑遶叢林鐘聲雜梵音松風吹定衲蘿月照禪心撫
景吟行遠談玄入悟深不能塵鞅脫聊復一登臨

送范啓東

楊柳春江上東風一櫂輕行囊歸客興尊酒故人情畫
史名當代聲華重兩京臨歧分手處無亦別離生

客中作

十年江漢客幾度帝京遊跡比風前葉身如水上鷗醉
吟愁裏月羞對鏡中秋悵望頻回首西風憶故丘

欽定四庫全書

御定全唐詩

卷四百六十七

十六

贈韓翃

京國久知名江河近識荆不辭今日醉便有故人情細
雨孤鴻遠西風一櫂輕暫時分手去應不負詩盟

禁煙作

柳拖金縷拂朱欄花撲香塵滿繡鞍尊酒臨風酬令節
越羅衣薄覺春寒

閩中回

帆影隨風過富陽橹聲搖月下錢塘千山積雪凝寒碧

夢入楓宸遶御牀

欽定四庫全書

御定全唐詩

卷四百六十七

十七

御定全唐詩卷四百六十七

欽定四庫全書會要卷一萬七千八百七十三
御定全唐詩卷四百六十八

劉言史

劉言史邯鄲人與李賀同時歌詩美麗恢贍自賀外世
莫能比亦與孟郊友善初客鎮冀王武俊奏為棗強令
辭疾不受人因稱為劉棗強後客漢南李夷簡署司空
掾尋卒歌詩六卷今編一卷

苦婦詞

欽定四庫全書

御定全唐詩
卷四百六十八

地遠易驕崇用刑匪精研哀哉苦婦身夫死百殃纏草

草催出門衣墮髮披肩獨隨軍吏行當夕余一作欲遷

一作來時已厭生一作到此自不全臨江臥黃沙二子

死在邊氣噦不發聲背頭血涓涓有時強為言祇是尤

青天藁薦無一枝冷氣兩懸懸窮荒夷教卑骨肉病棄

捐況非本族音一作肌露誰為憐事痛感行賓住得貪

程船必當負嚴法豈有胎孕篇遊畋復釋羸羔免尚免

鵲何處擯逐深一罪三見顛校尉勲望重一作幕府才

且賢蘭裙間珠履食玉處花筵但勿輕所暗莫慮無人
焉

與孟郊洛北野泉上煎茶

粉細越笋芽野煎寒溪濱恐乖靈草性觸事皆手親敲
石取鮮火撇泉避腥鱗熒熒爨風鐺拾得墜菓新潔色
既爽別浮氲亦慙慙以茲委曲靜求得正味真宛如摘
山時自歡指下春相流泛輕花滌盡昏渴神此遊愜醒
趣可以話高人

欽定四庫全書

御定全唐詩
卷四百六十八

七夕歌

星寥寥兮月細輪佳期可想兮不可親雲衣香薄粧態
新彩輶悠悠度天津玉幌相逢夜將極妖紅慘黛生愁
色寂寞低容入舊機歌著金梭思往夕人間不見因誰
知萬家閨艷求此時碧空露重彩盤濕花上乞得蜘蛛
絲

立秋日

商風動葉初蕭索一貧居老性容茶少羸肌與簞疎舊

醅難重漉新菜未勝鉏才薄無潘興便便畫一作偃廬

題茅山仙臺藥院

擾擾浮生外華陽一洞春道書金字小仙圃玉苗新芝
草迎飛燕桃花笑俗人樓臺爭聳漢鷄犬亦嫌秦願得
青芽散長年駐此身

送婆羅門歸本國

刹利王孫字迦攝竹錐橫寫叱羅葉遙知漢地未有經
手牽白馬遶天行龜茲磧西胡雪黑大師凍死來不得

欽定四庫全書

御定全唐詩

卷四百六十八

三

地盡年深始到船海裏更行三十國行多耳斷金環落
冉冉悠悠不停脚馬死經留却去時往來應盡一生期
出漠一作漢獨行人絕處磧西天漏雨絲絲

瀟湘遊

夷女采山蕉緝紗浸江水野花滿髻妝色新閒歌款乃
深峽裏款乃知從何處生當時泣舜腸斷聲翠華寂寞
嬋娟沒野篠空餘紅淚情青煙冥冥覆杉桂崖壁凌天
風雨細昔人幽恨此地遺綠芳紅艷含怨姿清媛未盡

鼯鼠切淚水流到湘妃祠北人莫作瀟湘遊九疑雲入

蒼梧愁

放螢怨

放螢去不須留聚時年少今白頭架中科斗萬餘卷一
字千回重照見青雲杳渺不可親開囊欲放增餘怨且
逍遙還酩酊仲舒漫不窺園井那將寂寞老病身更就
微蟲借光影欲放時淚沾裳衝籬落千點光一作去衝籬落千點光

欽定四庫全書

御定全唐詩

卷四百六十八

四

觀繩伎

洛府李相
公席上作

秦陵遺樂何最珍絳繩冉冉天仙人廣場寒食風日好
百夫伐鼓錦臂新銀畫青綃抹雲髮高處綺羅香更切
重肩接立三四層著屐背行仍應節兩邊九一作圓劍漸
相迎側身交步何輕盈閃然欲落却收得萬人肉上寒
毛生危機險勢無不有倒挂纖腰學垂柳下來一一笑
蓉姿粉薄鈿稀態轉奇坐中還有沾巾者曾見先皇初
教時

買一作賣花謠

杜陵村人不田穡入谷經谿復緣壁每至南山草木春
即向侯家取金碧幽艷凝華春景曙林一作村夫一作采來移得
將何處蝶惜芳叢送下山尋斷孤香始回去豪少居連
鳩鵲東千金使買一株紅院多花少栽未得零落綠蛾
纖指中咸陽親戚長安里無限將金買花子澆紅濕綠
千萬家青絲玉轡聲啞啞

王中丞宅夜觀舞胡騰

王中丞武俊也

石國胡兒人見少蹲舞尊前急如鳥織成蕃帽虛頂尖
細氎胡衫雙袖小手中拋下蒲萄盞西顧忽思鄉路遠
跳身轉轂寶帶鳴弄脚繽紛錦靴軟四坐無言皆瞪目
橫笛琵琶偏頭促亂騰新毯雪朱毛傍拂輕花下紅燭
酒闌舞罷絲管絕木槿花西見殘月

竹裏梅

竹裏一作與梅花相竝枝梅花正發竹枝垂風吹總向竹
枝上直似王家雪下時

春過趙墟

下馬邯鄲陌頭歇寂寥崩隧臨車轍古柏重生枝亦乾
餘燎一作漆見風幽燄滅白蒿微發紫槿新行人感此復
悲春

初下東周贈孟郊

鶴老身一作耳更印一作工龜死殼亦靈正信一作性非外訟

終始全本情童子不戲塵積書就巖局身著木葉衣養
鹿無耕耦隨下山雲在苒失故程漸入機險中危思

欽定四庫全書

御定全唐詩
卷四百六十八

六

難太行十髮九縷絲悠然東周城言詞野麋態出口多
累形因依漢元寮未似羈細輕冷竈助新熱靜砧與寒
聲斷蓬在門欄豈當桃李榮寄食若蠹蟲侵損利微生
固非拙為強懦劣外一作寂療并素堅冰藥心潔持保堅
貞修文返正風刊字齊古經慙將衰末分高棲喧世名

過春秋峽

峭壁蒼蒼苔色新無風晴景自勝春不知何樹一作事幽
崖裏臘月開花似北人

長門怨

獨坐爐邊結夜愁暫時思一作思去亦難留一作收手持金
筋垂紅淚亂撥寒灰不舉頭

春遊曲

一作樂府

花領紅驄一作鬢髮一何一作向偏綠槐香陌欲朝天仍嫌

衆裏嬌行疾傍輦深藏白玉鞭

噴沫一作珠噴團香小桂條玉鞭兼賜霍嫖姚弄影便從天

禁出碧蹄聲碎五門橋

欽定四庫全書

御定全唐詩
卷四百六十八

七

廣州王園寺伏日即事寄北中親友

南越逢初伏東林度一朝曲池煎畏景高閣絕微飈竹
簾移先灑蒲葵破復搖地偏毛瘴近山毒火威饒裏汗
絺如濯親牀枕竝燒墮枝傷翠羽萎葉惜紅蕉且困流
金熾難成獨酌謠望霖窺潤礎思吹候生一作鳴條旅恨
生烏許鄉心繫洛橋誰憐在炎客一夕壯容銷

立秋

茲晨戒流火商飈早已驚雲天收夏色木葉動秋聲

別落花

風艷霏霏去羈人處處游明年縱相見不在此枝頭

登甘露臺

偶至無塵空翠間雨花甘露境閒閒身心未寂終為累
非想天中獨退還

夜泊潤州江口

秋江欲起白頭波賈客瞻風無渡河千船火絕寒宵半
獨聽鐘聲覺寺多

欽定四庫全書

御定全唐詩
卷四百六十八

八

看山木瓜花二首

裛露凝氛紫艷新千般婉娜不勝春年年此樹花開日
出盡丹陽郭裏人

柔枝濕艷亞朱欄暫作庭方便欲殘深藏數片將歸去
紅縷金針繡取看

題十三弟竹園

繞屋扶疎聳翠莖苔滋粉漾有幽情丹陽萬戶春光靜
獨自君家秋雨聲